

***Betulo.** Blankligna arbo kun tre, flekseblaj branĉoj (*betula*).

bevelo C. Klintrancita rando : ~e *trancita spegulo*. ~1 (tr). Klintranci.

***Bezoni** (tr). 1 Suferi pro manko de io necesa, kion oni ne posedas : ~i *monon, ripozon*; ~i *riposti, iri, trinki*. Kp *DEZIRI*. 2 Esti en stato, kiu postulas ion kiel necesan, laŭcelan aŭ utilan : ni antaŭ ĉio ~as *plej severan unuecon* Z; la *klasikaj verkistoj ofte ~as komentariojn* Z; pri tio ni ne ~as *paroli* Z; ni ne ~as *aldoni sufikson* Z; ni ne ~as *timi, ke oni ilin reciproke konfuzos* Z; ni ne ~as *decidi, ke oni uzu ekskluzive nur la nominalivon* Z; tio ~igas *multe da tempo* (Kp *MALHAVI, POSTULI, NECESIGI, UŬI*). ~o. 1 Sufero pro manko de io necesa : ~o *legon ne obeas* Z; ~o *estas plej forta ordono* Z. 2 Tio, pro kies manko oni suferas : *havi grandajn, malmultajn, moderajn ~ojn*. 3 Stato, kiu postulas ion, kiel necesan, laŭcelan aŭ utilan : *klareco estas ~o de normala spirito*; en *okazo de ~o, de sen~o* Z. ~a Z. ~ata, mankanta sed necesa : *por vino bona ŝildo (reklamo) ne ~a* Z; 5 *jaroj estis ~aj por venki ilin* (VDAVIDI). ~ajo. ~o 2. *Sen~a. Ne~ata, nenecesa : sen~a radiko*; tio ĉi *estas sen~a timo* Z; tio ĉi *sen~e ligus nin* Z; malpermesi la uzadon de tiu ĉi *formo estas tute sen~e* Z.

Biblo. La sankta libro de hebreoj k kristanoj.

Bibliografio. Listo da aperintaj libroj aŭ da fontolibroj uzitaj por verki ion.

Biblioteko. 1 Kolekto da libroj. 2 Sranko por libroj. 3 Ejo, ĉambro en kiu oni konservas librojn.

Biciklo. Durada velocipedo. ~eto. ~o kun du egalaj radoj.

***Bleno.** 1 Kampara terposedaĵo. 2 (f) Propraĵo : la *internacia lingvo neniel uzurpas la ~on de la naciaj lingvoj*. Kp *TERENO, KAMPO, REGIONO*.

***Biero.** Fermentinta trinkaĵo el hordeo k lupolo.

Bifstekoj. Maldika rostita tranĉaĵo da bovaĵo.

bigamio Z. Stato de viro havanta samtempe du edzinojn, aŭ de virino havanta samtempe du edzojn. ~ulo. Tiu, kiu vivas ~e.

Bigoto. Homo ekscese fervora en plenumo de la eksteraj religiaj devoj, pedante k afekte pia. Kp *PIETISTO, FANATIKA, HIPOKRITA*.

blilo Z. Komerca, negocebila valorpapero.

Bilanco. Tabela kalkulo, laŭ aktivo k pasivo de la financa stato de firma. ~1 (tr). Starigi ~on : ~i *konton*. Kp *INVENTARO, SALDO*.

Bilardo. 1 Ludo, ludata per eburaj globoj sur tablo tegita per drapo. 2 Tiu tablo mem.

bilboko. Ludilo konsistanta el borita globeto alligita per ŝnureto al bastoneto, per kiu oni devas pikkkapti la globeton.

Bildo. 1 Videbla aspekto de la objektoj : *tiu montara pejzaĝo prezentas plej plaĉan ~on*. 2 Videbla aspekto de objekto resendata de akvo aŭ spegulo : *rigardi sian ~on en spegulo*; la *rivero spegulas la ~on de la luno*. 3 Videbla aspekto de objekto reprezentata per desegno, pentrado, skulptado : *libro kun belaj ~oj*. 4 Tio, kio similas, imitas, simbolas : *al li naskiĝis filo laŭ lia ~o k simileco* Z; li *estas la vivanta ~o de sia patro* B; tiuj mildaj kamparaj ludoj *estas la ~o mem de la paco*; *rakonti ion klar~e* Z (plastike). 5 Reprezentaĵo de objekto en la imago : *mi ĉiam revidas en spirito la ~on de tiu terura tago*; *mi ~igis al mi lian plezuron*. 6 Metaforo : *~oplena stilo*. Kp *FIGURO, IKONO, ILUSTRAJO, KOPIO, PONTRETO, FAKSIMILO*.

Bileto. Surskribita paperfolio, kiu rajtigas por eniro, partopreno, ricevota mono : *fervoja, teatra, loteria ~o*; *bank~o* B.

bligo ⚓. La plej malsupra parto de la holdo.

biliono Z. 1 (Angla-germana sistemo) miliono da milionoj (= mil miliardoj). 2 (Ev.) (Franca sistemo) mil milionoj (= miliardo).

bimetallismo £. Mona sistemo bazita sur duobla normo k en kiu la valora rilato inter la oro k arĝento estas precize fiksita.

***Bindi** (tr). Kunkudri la foliojn de libro k surmeti sur ilin rigidan kovrilon. ~ajo. Librokovrilo.